

Na osnovu člana 90. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog postupka nabavke putem direktnog sporazuma za nabavku vode za piće i pružanje usluge korištenja 5 (pet) aparata za vodu, zaključen je:

U G O V O R
o isporuci vode za piće
i pružanje usluge korištenja 5 aparata za vodu

Ugovorne strane:

- 1. Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktor Edin Dilberović, (u daljem tekstu: Kupac)**
- i**
- 2. ATAL GROUP d.o.o. Sarajevo, ulica Tvornička broj 3, koju zastupa direktor Almir Hamzić (u daljem tekstu: Prodavac).**

Član 1.

(1) Predmet ovog Ugovora je sukcesivna isporuka vode za piće Bijela Voda pakirane u galone od 18,9 litara (u daljem tekstu: roba), koju će Prodavac isporučiti Kupcu prema odredbama ovog Ugovora, te dati na korištenje 5 (pet) aparata za vodu i pružiti usluge sanitacije aparata za vodu, po ukupnoj cijeni ponude u iznosu od 4.095,00 KM bez PDV-a.

(2) Sastavni dio ovog Ugovora je Ponuda Prodavca od dana 30.05.2022. godine, sačinjena prema sljedećem Obrascu za cijenu ponude:

R.b.	Opis nabavake	Količina	Jedinična cijena bez PDV - a	Ukupna cijena bez PDV-a
1.	Isporuka vode za piće u galonima (jedan galon = 18,9 litara)	500 galona	7,69	3.845,00
2.	Pružanje usluga sanitacije i servisiranja cooler aparata za vodu	20 sanitacija	12,45	249,00
3.	UKUPNA CIJENA BEZ PDV-a			4.094,00
4.	POPUST			0,00
5.	UKUPNA CIJENA SA POPUSTOM BEZ PDV-a			4.094,00

Član 2.

(1) Prodavac daje Kupcu na korištenje 5 (pet) aparata *water cooler/a* koji će se postaviti na adresi Kupca, ulica Đoke Mazalića broj 5, Sarajevo.

(2) Prodavac se obavezuje da će isporuku prirodne izvorske vode izvršiti prema nalogu Kupca, u roku od najkasnije 1 (jedan) radni dan od momenta narudžbe od strane Kupca.

(3) Kupac se obavezuje na pravilnu upotrebu cooler aparata, a na temelju uputstava o korištenju aparata koja se nalaze na aparatu.

Član 3.

(1) Kupac je dužan omogućiti i naručiti sanitaciju cooler aparata svaka 3 mjeseca o čemu se vodi evidencijska kartica za svaki aparat, prilikom sanitacije Kupac dobija zamjenski aparat koji je higijenski i tehnički ispravan.

(2) Ukoliko iz određenih razloga dođe do raskida ovog Ugovora, kupac je dužan platiti sanitaciju aparata.

Član 4.

- (1) Prodavac može zatražiti povrat cooler aparata ukoliko Kupac ne koristi isti na način utvrđen Ugovorom i priloženim uputstvima.
- (2) U slučaju otuđenja ili uništenja opreme ili njezinog prekomjernog oštećenja za vrijeme dok se nalazi u posjedu Kupca, Kupac će odgovarati Prodavcu za naknadu štete do visine vrijednosti cooler aparata.
- (3) Pojedinačna vrijednost water cooler aparata iznosi 300 KM bez PDV-a.
- (4) Kupac je dužan pri raskidu Ugovora vratiti Prodavcu zaduženu ambalažu u ispravnom stanju ili u protivnom platiti iznos od 10,00 KM sa PDV - om po galonu.

Član 5.

- (1) Prodavac se obavezuje da će isporuku predmetne robe izvršiti u skladu sa zahtjevima Kupca i da će odmah postupiti po eventualnim primjedbama Kupca, u pogledu nedostataka na ime kvaliteta izvršene nabavke.
- (2) Kupac je obavezan dostaviti pismeno obavještenje o svakom navedenom propustu Prodavca po Ugovoru.
- (3) Kupac će utvrditi razuman rok za ispravku propusta Prodavca u smislu izvršene isporuke.
- (4) U slučaju eventualnih primjedbi Kupca na kvalitet i količinu isporučene robe, Kupac može Ugovor djelimično ili potpuno raskinuti i prije njegovog isteka, uz predhodno izmirenje svih obaveza utvrđenih po osnovu istog.

Član 6.

- (1) Prodavac se obavezuje da robu fakturiše u ugovorenim rokovima, na osnovu otpremnih dokumenata (otpremnica i sl.) potvrđenih od strane Kupca da je preuzeo robu, te izdao i predao fakture i to na dan preuzimanja robe.
- (2) Prodavac se obavezuje na nepromjenjivost ponuđenih cijena tokom cijelog ugovorenog perioda.
- (3) Kupac će plaćati fakturu za isporučenu robu propisanim platnim nalogom za plaćanje u roku od 15 dana od dana isporuke.

Član 7.

Prodavcu se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda, nadležna za dodjelu ovog Ugovora, najmanje šest mjeseci po zaključenju istog.

Član 8.

Ovaj Ugovor se zaključuje na određeno vrijeme, u trajanju od 12 (dvanaest) mjeseci, od momenta potpisivanja obje ugovorne strane.

Član 9.

Odredbe ovog Ugovora ne mogu se mijenjati nakon njegovog zaključenja.

Član 10.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, ugovara se nadležnost Suda Bosne i Hercegovine u Sarajevu.

Član 11.

Na osnovu prava i obaveze ugovornih strana, koje nisu regulisane ovim Ugovorom, primjenjivaće se odredbe Zakona o obligacionim odnosima.

Član 12.

Ovaj Ugovor je sačinjen u 4 (četiri) istovjetnih primjeraka, od čega svaka ugovorna strana zadržava po 2 (dva) primjerka.

PRODAVAC
Direktor
Almir Hamzić

Broj: 15059

Datum: 27.06.2022.



KUPAC
Direktor
Edin Dilberović

Broj:

Datum:

05-JNI-16-4-IB-27-P/22

4.7.'22. godine